

AUGLÝSING

ríkisskattstjóra nr. 10/1998 um verðbreytingarstuðul fyrir árið 1998.

Samkvæmt ákvæðum 26. gr. laga nr. 75, 14. september 1981, um tekjuskatt og eignarskatt, með síðari breytingum, hefur ríkisskattstjóri reiknað verðbreytingarstuðul fyrir árið 1998 og nemur hann 1,0127 miðað við 1,0000 á árinu 1997.

Reykjavík, 10. desember 1998.

Garðar Valdimarsson ríkisskattstjóri.

10. desember 1998

Nr. 724

AUGLÝSING

um óverulega breytingu á deiliskipulagi fyrir Áshamar við Ásland í Mosfellsbæ.

Bæjarstjórn Mosfellsbæjar samþykkti óverulega breytingu á deiliskipulagi fyrir Áshamar við Ásland í Mosfellsbæ á fundi sínum þann 16. september 1998. Breytingin felst í tilfærslu lóðarmarka þriggja lóða innbyrðis innan óbreytts reits við Ásland. Felldur er niður bílskúrsréttur fyrir 3 bílskúra á lóð nr. 5 en fallið frá því að rífa bílskúr sem átti að rýma fyrir þreföldum bílskúr fyrir lóð nr. 3. Meðferð skipulagstillögunnar var samkvæmt 2. mgr. 26. gr. skipulags- og byggingarlaga, sem fjallar um óverulegar breytingar. Skipulagsstofnun gerir ekki athugasemdir við skipulagið.

Skipulagið öðlast gildi með birtingu þessarar auglýsingar og um leið fellur úr gildi deiliskipulag sem samþykkt var í bæjarstjórn 21. janúar 1996.

Bæjarverkfræðingurinn í Mosfellsbæ, 10. desember 1998.

Tryggvi Jónsson.

8. desember 1998

Nr. 725

GJALDSKRÁ

Fasteignamats ríkisins.

1. gr.

Verð fyrir upplýsingar úr fasteignaskrá er tvíþætt:

a. Grunnverð fyrir upplýsingar.

b. Viðbótarverð ef um tekjuöflun á grundvelli upplýsinga úr skránni er að ræða.

Grunnverð skv. a-lið skal vera kr. 20,00 á matseiningu og viðbótarverð, skv. b-lið skal vera 1% af tekjum, sem aflað er á grundvelli upplýsinga úr skránni.

Séu keypt fleiri en eitt eintak af skrá skal verð fyrir hvert aukaeintak vera kr. 10,00 á matseiningu.

Sveitarfélög fá 50% afslátt af grunnverði, skv. 2. mgr. Sama gildir um aukaeintaksverð, skv. 3. mgr. Viðbótarverð til sveitarfélaga, skv. b-lið skal vera 0,005% af álagningarstofni fasteignaskatts.

2. gr.

Fyrir eftirfarandi sérvinnslur úr fasteignaskrá er verðlagning þessi:

a. Fyrir stöðulista úr skráum greiðist kr. 700,00 í grunngjald og kr. 25,00 til viðbótar á hverja matseiningu.

Fyrir vinnslu á eignarkönnunarlista, skv. leyfi tölvunefndar greiðast kr. 700,00 í hvert sinn á hverja kennitölu.

Fyrir aðrar sérvinnslur gildir eftirfarandi verðlagning:

b. Byrjunargjald kr. 10.000,00.

c. Fyrir hverja klst. umfram eina greiðast kr. 4.500,00. Þetta gjald innifelur álag á vinnu sérfræðings vegna afnota gagna og tölvu.

d. Fyrir límmiðaútprentun greiðast að auki kr. 2,00 fyrir hvern límiða.

3. gr.

Fyrir beinlínutengingu við tölvuskrá Fasteignamats ríkisins til uppflettingar á tölvuskjá skal greiða svo sem hér segir:

1. Fyrir *almennt leyfi*:

a. kr. 3.400,00 á mánuði fyrir allt að 200 aðgerðir.

b. kr. 14,00 á hverja aðgerð umfram það.

Almennt leyfi innifelur almennar lágmarksupplýsingar úr fasteigna skrá, t.d. heiti eignar og greinitölur, fasteignamat, stærðir, heiti eigenda o.fl. Unnt er að leita að eignum eftir heiti og greinitölum eigna.

2. Fyrir *sérstakt leyfi*:

a. kr. 3.400,00 á mánuði fyrir hvern notanda.

b. kr. 14,00 á hverja almenna aðgerð umfram 200 aðgerðir.

c. kr. 700,00 í hvert sinn á hverja kennitölu.

Sérstakt leyfi innifelur víðtækari upplýsingar um eignir en almennt leyfi, t.d. að geta flett upp eftir kennitölu eigenda skv. leyfi tölvunefndar.

4. gr.

Fyrir sérmat skal greiða sem hér segir:

a. Sérmat á íbúð: kr. 9.500,00

b. Annað sérmat: Samkvæmt tímavinnugjaldi, sbr. 5. gr.

5. gr.

Tímavinnugjald fyrir aðra þjónustu Fasteignamats ríkisins skal vera svo sem hér segir:

a. Sérfræðingur: 4.000,00 kr./klst.

b. Matsfulltrúi: 3.000,00 kr./klst.

c. Aðrir starfsmenn: 2.000,00 kr./klst.

6. gr.

Fyrir endurmat brunabótamats skal greiða skv. gjaldskrá sem ráðherra váttryggingarmála setur.

7. gr.

Annað:

Vottorð úr fasteignaskrá 300,00 kr. hvert vottorð.

Staðfest vottorð 700,00 kr. hvert vottorð.

(t.d. á ensku /dönsku).

Ljósrit 100,00 kr. hvert ljósrit.

Ljósrit úr fasteignaskrá 300,00 kr. hvert ljósrit.

8. gr.

Gjaldskrá þessi er sett skv. 14. gr. laga nr. 94/1976, um skráningu og mat fasteigna, sbr. 27. gr. laga nr. 1/1992 um breytingu á þeim, til þess að öðlast gildi 1. janúar 1999 og birtist til eftirbreytni öllum þeim sem hlut eiga að máli. Jafnframt er felld úr gildi gjaldskrá nr. 596/1996 um sama efni.

Fjármálaráðuneytinu, 8. desember 1998.

Geir H. Haarde.

Björn Hafsteinsson.

LÖGREGLUSAMÞYKKT

fyrir Bessastaðahrepp.

I. KAFLI

Um reglu, velsæmi og almennt öryggi á almannafæri.

Regla og næði.

1. gr.

Með almannafæri er í samþykkt þessari átt við götur og svæði, ætluð til almenningsnota, og eftir því sem við á um aðra staði, sem opnir eru almenningi, íþróttamannvirki, verslanir, veitingastaði, bifreiðastöðvar, biðskýli, söfn, bryggjur o.fl.

2. gr.

Bannað er að valda ónæði sem raskar næturró manna.

3. gr.

Enginn má sýna öðrum áreitni á almannafæri eða sýna þar af sér ósæmilega háttsemi.

Uppþot, áflog eða önnur háttsemi, sem raskar allsherjarreglu, mega ekki eiga sér stað á almannafæri og ekki mega menn þyrpast þar saman eða viðhafa háttsemi sem truflar umferð eða veldur öðrum vegfarendum óþægindum.

4. gr.

Lögreglustjóri getur bannað notkun tækja, hátalara, hljómflutningstækja, hljóðfæra eða annars þess háttar, á eða við almannafæri, ef ástæða er til að ætla að hún valdi ónæði eða truflun.

5. gr.

Þegar fjölmenni safnast saman á almannafæri, við biðstöðvar almenningsvagna, miðasölur, skemmtistaði, verslanir og aðra afgangslustaði, skal fólk raða sér þannig að þeir, sem fyrstir koma, fái fyrst afgangslu.

Góðir umgengnishættir og hreinlæti á almannafæri.

6. gr.

Öllum ber að gæta þess að ganga vel um á almannafæri og skemma þar ekki hluti eða færa þá úr stað, sem ætlaðir eru til almenningsnota eða þrýði. Þetta á einnig við þann hluta af húsum og öðrum mannvirkjum, sem liggja að almannafæri.